

戀寒巖

何仙姑

闌苑無蹤跡
唐朝有姓名
不知紅玉洞
千古夜猿聲

曹國舅

竊得玉京桃
踏斷京華草
白雪滿蓑衣
內有金丹寶

題胡運幹別墅

閣來愛竹把花嫌
無事看山高
樓簾好鳥一聲飛
過簷清風著力送銀蟾

博山一炷小蛇寒
無人獨自坐蒲團
柴門却倩冷風關
簷外白雲時往還

詠韓湘

汝叔做盡死模樣
雪裏出來無意沉
賴有當年花一籃
至今推與閑和尚

孤螢

夜靜乘涼坐水亭
草頭隱映見孤螢
瞥然飛過銀塘面
俯仰浮光兩點星

修真十書武夷集卷之五十

修真十書武夷集卷之五十一同卷十二 卷八

海南曰玉蟾著

龍虎山祈雨早行有作

兩三條電復無雨
六七點星微上雲
鞭起卧龍我騎去
揮戈叱問五雷君

中秋月

風吹玉露洗銀河
字作銀爽氣平分桂影高
把笛倚樓人不寐
此心直擬數秋毫

錢塘江上雪飛花
人在天邊泛海槎
鳥鷗一聲星斗落
炬熾梳洗去誰家

千崖爽氣已平分
萬里青天轆玉輪
好向錢塘江上望
相連都是廣寒人

卧雲

滿室天香仙子家
一琴一劍一盃茶
羽衣常帶煙霞色
不惹人間桃李花

織機試神童日韓郎王令其賦之

天地山河作織機
百花如錦柳如絲
虛空白處做一疋
日月雙梭天外飛

舟行

山鎖曉煙迷
紫翠花凝宿雨間
青紅快帆幸

自泛新綠乞與一篙東去風

上清宮方丈後亭

三四聲猿叫落月
六七竿竹呼起風
夜靜無人知此味
遠他方丈拙庵翁

贈吳道士香泉之餘玉童篇篇詩

斤斧可也

延陵大士詩中虎
接武黃陳肩李杜
無雙爭敵西施也
向雷門聲布鼓

贈何道人

冠褐滿天下
幾箇能賢
急來龍虎山
結道粥飯緣
方丈最高處
幽居合幾年
一雙山岩電眼識
盡地行仙

永虎銜龍煉氣神
黃芽昨夜一枝春
刀圭底事如何會
伏虎來砂價水銀

贈張知堂

清河知堂武當來
左日右月雙眼開
高卧雲堂留夢醒
笑騎白鶴歸蓬萊

贈雲谷孔全道

健神爽氣煉金丹
七返從來有九還
昨夜一聲雷
霹靂不知人已在泥丸

贈胡存元

業儒為見儒多俱學道緣吾道化賢且把功名權架閣抱琴隨我去修仙

贈薛氏繩歌

其青節如竹之青其白氣如梅之白有時抱

置假山邊被人喚作謫仙客

贈薛氏振歌

麒麟獨異鳳毛輕得龍之秀龜之清麟鳳龜龍謂四靈爾曹骨氣同崑崙

與道寺丞

汞鉛不在身中取龍虎當於意外求會得這此真造化何愁不曉煉丹頭

題潘察院竹園壁

夜雨洗開千翡翠春風撼碎萬琅玕滿林鸚鵡卧明月鐵笛一聲煙正寒

贈徐翔卿之別

桃花落地雨漫漫字乃擔簦過萬山臨別有些無盡意篇詩送子到崇安

題莫子山

封到半天煙雷間一卷仙書一粒丹城北城

南无老樹又吹竹笛過前山

題胡子山林檜坡

洞賓踢碎金葫蘆夜半短絃下藥珠但見滿天盡角角不知春去鬼揶揄

願庵喜神贊

江月射雙眼岩雲飛兩眉自是上饒一團和氣點化自家方寸真機能落筆作泣鬼神之詩能坐石下爛柯之碁千人萬人瞻禮不已笑騎白鹿獨步天堦

隸軒真贊

骨氣已神仙玄圃挺生賢面上四時春心次一壺天人皆就法門棟梁上踔他光景我道隸軒高士志趣飄然若也未知涯涘為君指出言詮丹成若未歸蓬島且結溪山風月緣

潘龍游喜神贊

龍章鳳姿既非嵇叔夜鶻領虎頸又非班定遠機鳴籟動聽其自然虛心何物何增何損花滿一壺春色好半斑頰露與人看

郭信叔喜神贊

萬丈崖頭立一梯百丈竿頭垂一手綿團裘

鐵雲包月映麟海裏翻筋斗回天拓地立教

門斬新氣槩鼎乾坤倪王人指碧溪水盡是渠儂無盡恩誰爭冲靖之上足郭信叔者也

薛直感喜神贊

和風滿面紫芝春雙臉常如酒半醺法籙把

除符券柄宗門立盡棟梁勳鳳冠夜戴瓊林

月鶴鬣朝披玉洞雲自是神仙真氣象多生

曾是薛真君

弔劉心月

汨羅江上水鳴咽魚鼈不知老龍泣徒掉龍

舟何處尋何不辦取屈原生前一枝楫大吳

江邊伍侯廟夕陽滿樹聞啼鳥行人過此焚

紙錢何不辦取子胥生前一盃酒屈伍死後

今寥寥其名千古如一朝江邊垂淚知幾人

冰魂雪魄不可招哀哉道人劉心月其身貧

甚其性烈少年雖落風塵中末後猛省自擺

脫其心雖美其名腥一旦死于武夷溪之濱

却將九曲溪中水洗却千愁萬恨身曾娥尋

父屍赴水死作婦女英靈鬼柳翠蕭瓊俱水

亡但見渺渺一溪水汝何不自忍此憂又却

結憤滿心頭水肌玉膚落潭碧黃昏風慘水
 空流武夷溪九曲無人垂釣水空綠武夷三
 十六峯巒無人結草惟在山月明尋之不知
 處尚自哀猿聲不住那堪一夜瀟瀟雨使人
 吟盡哀慘句休休心月君亦賢人生不死空
 百年掀翻四大驚魚龍踏破碧潭深處天李
 白騎鯨去捉月知章水底眠霜雲古人猶自
 水中遊皆得水化超生訣吾與心月係渠師
 來此慘慘煙正飛天空水寒千山暗酌水一
 醉心含悲西風吹此兩行生鐵汗去作笛中
 聲又急

化修造仙字

一溪橫綠滿林幽竹段琅玕兩岸環青市地
 蒼苔鋪翡翠乃飛錫登鸞之所作留雲駐鶴
 之居翻蓋駕鸞化現瑠璃宮殿雕粧蝴蝶森
 羅碼碯垣墻相逢皆是神仙中人必竟會得
 山林下事

為人與煙壺高士求翠虛妙悟全集
 書一幅

即斯時江上一葉楓向淡雲新月之外狀出

秋意山林中心境兩清爽矣嘗於水雲中
 暮韓景季之久商風北枝未之面面海南先
 生言煙壺高士冲鍊太和石膏盈體天女散
 花道候真淨古熙口與心言瀛山道院聞有
 翠虛妙悟全集正在鴻中能周旋此人回否
 秋氣滿杖履況此六百里清妙溪山鞭青牛
 邈汗漫訪我於崆峒之間否乎睥睨論金蘭
 翹首望胎早圓雲鶴一長笑耳

修真十書武夷集卷之五十一



修真十書武夷集卷之五十二

海南白玉續著

懷仙吟神童性矣仙佩遠矣惜乎夫
 尼懷有微子中述作懷仙吟以表區
 區慕用之誠時嘉定八年七月二十
 七日也

我懷仙兮神仙侶霞裾搖曳兮居何所見鶴
 長吟猶可覆蓬萊果在半步許空留黑雲落
 人間字字成行秋鴈序正心誠意語尤奇誰
 識忘形相爾汝

見鶴吟午吟三華院忽有仙鶴十二
 雙玄裳編衣飛鳴盤舞於其

上因作見鶴吟呈倪梅隱處
 副官時七月二十二日也

紙上畫仙掛古壁朝朝暮暮被煙燻泥塑鍾
 離木雕木不是元皇大道君近來塵世無丹
 訣啞口道人俱不說武夷散人不尋仙只圖
 一日三坑雪白鶴白鶴何方來丹輝輝關幾
 時開空中莫作嘹唳聲片雲冷風何快哉鶴
 作聲時我無耳鶴振羽時我無眼蓬萊只是
 半步許一生且做老擔板

題五陰宮壁

旌陽歸去大康年石龜灰寒古洞前笑斬白